



Ghar se seekna

Is haftey, humain kaafi sawal aay hain ghar se seeknay ke baray main. Is liye, hum ne aap ki asaani ke liye kuch khayalaat sochey hain. Yahan hum kuch ehem khayalaat denay ja rahain hain, taake aap ko apne bachon ko ghar pe parhaney main asani ho:

- 1. Ghar pe website se seekein:** Har sal ke mutabiq, hum ne ek webpage banaya hai jis pe aap bachon ki activities dekh saktay hain. Kuch waqt nikal kar, humari website par dekhein: <http://www.barleylane.redbridge.sch.uk/homelearning/>
- 2. Kaghaz ki copies aur printing:** Mazarat ke saath, hum printed kaghazat aap tak nahi pohcha sakte. Yeh zaroori nahi hai ke aap sheet ko print karein. Bachon ki asani ke liye ap unko computer screen pe laga ke deh saktay hain, aur woh notebooks main yeh kaam poora kar saktey hain. Yeh notebooks aap ghar pe rakh saktay hain – in ko school wapis le kar aany ki zaroorat nahi hai.
- 3. Bachon ki madaat karna:** Agar bachon se koi kaam nahi ho para, toh woh madaat lehsakty hain ghar walon se, doston se ya kuch dair baad dubara koshish karein. Maths ke sawalon ke jawab document ke akheer mein likhey hain.
- 4. Activities mukamal karna:** Joh kaam hum ne diya hai, homework ke tohr pe nahi hai. Yeh zaroori nahi hai ke saab mukamal ho – aap in main se chun sakte hain bachon ke liye. Har haftay, naya sabak upload hoga humari school website pe. Yeh joh activities hain, bachon ko ghar main masruf rakhne ke liye hain, jaisa ke woh apni class main kartay hain.

Koshish kijeye ke aap bachon ki routine waisay rakhein jaisay school ka din hota hai. Agar aap ke ghar main alag si jaga hai jahan pe bachey kaam karsakein, toh yeh un ke liye acha rahay ga. Kaam ke saath, yeh bhi yaad rakhein ke bachon ke liye exercise aur free time bhi zaroori hai. Aap YouTube pe PE lessons dekh saktay hain is webpage par:

<https://www.youtube.com/playlist?list=PLyCLOPd4VxBvD7ogmmPLJXYA1q0gFF3pe>

Aakhir main hum yeh kehna chahtey hain, keh yeh mushkil waqt zaroor hai, lekin aap ghar se seekna bachon ke liye enjoyable banaye. Ap apne ghar walon ke saath games bhi kehlein, garden mein kehlein, baking karein aur bachon se achi guftagu karein.

Apna aur apne ghar walon ka khayal rakhiye.